

INSTITUT ZA ZDRAVLJE I SIGURNOST HRANE ZENICA

Broj: 02-1626/26

Zenica, 12.05.2026. godine

Na osnovu člana 64. stav 1. tačka b), člana 70. stav 1, 3. i 6. Zakona o javnim nabavkama („Službeni glasnik BiH“, broj 39/14, 59/22 i 50/24), te na osnovu preporuke Komisije za javne nabavke, a po provedenom postupku za nabavku roba – Nabavka laboratorijskog materijala, hemikalija, medicinske i laboratorijske plastike: LOT 7.- POTROŠNI MATERIJAL ZA HEMIJU, direktor Instituta za zdravlje i sigurnost hrane Zenica donosi

ODLUKU o izboru najpovoljnijeg ponuđača

Član 1.

Prihvata se preporuka Komisije za javne nabavke, te se Okvirni sporazum za nabavku roba- Nabavka laboratorijskog materijala, hemikalija, medicinske i laboratorijske plastike: **LOT 7.- POTROŠNI MATERIJAL ZA HEMIJU** dodjeljuje ponuđaču **ENA d.o.o. Sarajevo** koji je dostavio ponudu broj: 041/26 od 27.04.2026. godine (broj ugovornog organa: 01-2484/26 od 28.04.2026. godine i broj: 01-2552/26 od 04.05.2026. godine) u kojoj je nakon provedene e-aukcije ponuđena ukupna cijena od 700,00 KM bez PDV-a.

Okvirni sporazum će se zaključiti na period od 2 (dvije) godine.

Član 2.

Izabrani ponuđač IMA obavezu dostavljanja dokumentacije propisane tenderskom dokumentacijom u originalu ili ovjerenoj kopiji.

Član 3.

Ova odluka se dostavlja svim ponuđačima koji su učestvovali u postupku javne nabavke, u skladu sa članom 71. stav 2. Zakona o javnim nabavkama.

Član 4.

Ova odluka objavit će se na web-stranici ugovornog organa (www.inz.ba) istovremeno s upućivanjem ponuđačima koji su učestvovali u postupku javne nabavke, u skladu sa članom 70. stav 6. Zakona o javnim nabavkama.

Član 5.

Ova odluka stupa na snagu danom donošenja.

Obrazloženje

Postupak javne nabavke pokrenut je Odlukom o pokretanju postupka javne nabavke broj: 02-1230/26 od 13.04.2026. godine. Postupak nabavke je proveden otvorenim postupkom za koji je objavljeno obavještenje o nabavci broj: 7126-1-1-71-3-87/26 dana 14.04.2026. godine na Portalu javnih nabavki. Postupak nabavke provela je Komisija za javne nabavke imenovana Rješenjem broj: 02-1231/26 od 13.04.2026. godine.

U toku postupka javne nabavke Komisija je zaprimila pristigle ponude, izvršila njihovo otvaranje, te pregled i ocjenu ponuda prema zahtjevima i kriterijima iz tenderske dokumentacije.

U postupku javne nabavke utvrđeno je sljedeće:

- da su za LOT 7. ukupno pristigle 4 ponude;
- da su blagovremeno zaprimljene 4 ponude;
- da nije bilo neblagovremenih ponuda;
- da je jedna ponuda odbačena kao nepravilna u skladu sa članom 68. ZJN BiH;

U toku ocjene ponuda Komisija za provođenje postupka javne nabavke je utvrdila da je ponuđač BIOSISTEMI d.o.o. Sarajevo dostavio ponudu koja je ocijenjena kao nepravilna. Naime, u predmetnom postupku javne nabavke izvršena je izmjena tenderske dokumentacije objavljena na Portalu javnih nabavki dana 23.04.2026. godine, uz koju je dostavljen novi nacrt okvirnog sporazuma. Ponuđač je preuzeo izmjenu tenderske dokumentacije sa Portala javnih nabavki dana 27.04.2026. godine, što je evidentirano od strane ugovornog organa, međutim pri sačinjavanju ponude nije primjenio novi nacrt okvirnog sporazuma dostavljen uz izmjenu tenderske dokumentacije, već je koristio nacrt okvirnog sporazuma iz originalne tenderske dokumentacije. Kako ponuda nije potpuna i ne ispunjava zahtjeve iz tenderske dokumentacije, ista se odbacuje kao nepravilna.

U postupku donošenja ove odluke, posebno su cijenjene činjenice da je Komisija, pravilno i potpuno, izvršila ocjenu kvalifikovanosti ponuđača te ocjenu prispjelih ponuda, u skladu sa kriterijima iz tenderske dokumentacije.

Komisija je nakon ocjene ponuda i provedene e-aukcije, sačinila rang listu ponuđača kako slijedi:

LOT 7.- POTROŠNI MATERIJAL ZA HEMIJU

Rang	PONUĐAČ	UKUPNA CIJENA PONUDE BEZ PDV-a
1.	ENA d.o.o. Sarajevo	700,00
2.	MIKRO+POLO d.o.o. Sarajevo	900,00
3.	MSG d.o.o. Tuzla	900,00

Komisija je odgovornom licu ugovornog organa predložila da se donese odluka o izboru i dodjeli okvirni sporazum za nabavku roba koje su predmet postupka najpovoljnijem ponuđaču ENA d.o.o. Sarajevo koji je ponudio cijenu od 700,00 KM bez PDV-a.

U postupku ocjene provedenog postupka, Ugovorni organ nije našao razloge, nepravilnosti niti propuste u radu, koji bi eventualno bili osnov za neprihvatanje preporuke Komisije za javne nabavke. Naime, u postupku je ocijenjeno da je Komisija u svemu pravilno postupila te da je izbor najpovoljnijeg ponuđača izvršen u skladu sa Zakonom o javnim nabavkama, podzakonskim aktima, i tenderskom dokumentacijom.

Nakon provedene e-aukcije utvrđeno je da je ponuđač ENA d.o.o. Sarajevo dostavio ponudu sa najnižom cijenom, a obzirom da je kriterij za izbor najpovoljnije ponude najniža cijena tehnički zadovoljavajuće ponude, odlučeno je kao u članu 1. ove odluke.

POUKA O PRAVNOM LIJEKU

Protiv ove odluke može se izjaviti žalba, najkasnije u roku od 10 (deset) dana od dana prijema ove odluke.

Dostaviti:
1x ENA d.o.o. Sarajevo
1x MIKRO+POLO d.o.o. Sarajevo
1x BIOSISTEMI d.o.o. Sarajevo
1x MSG d.o.o. Tuzla
1x www.inz.ba
1x arhiva

INSTITUT ZA ZDRAVLJE I SIGURNOST
DIREKTOR
Dr. sci. Muamer Mandić, DVM
INZ
1